

禪宗頌古聯珠通集卷第三

雞三

僧錄司有蘭教無靈谷禪寺住持淨友重校

祖師機緣

西天初祖二則

第九祖一則

第十祖一則

第十四祖一則

二十四祖一則

二十七祖一則

東土初祖一則

二祖一則

三祖一則

四祖一則

五祖一則

六祖一則

西天初祖摩訶迦葉尊者見世尊在靈山會上拈起一枝花以青蓮目普示大眾百萬聖賢悉皆罔措惟迦葉破顏微笑世尊乃曰吾有正法眼藏涅槃妙心實相無相微妙解脫法門付囑於汝汝當護持流通無令斷絕頌

曰仙子持來別是春還將分付與仙人可
伶壞衲曾微笑有理傍觀不辭伸佛印元
霜風刮地埽枯茅誰覺東君令已回唯有嶺
梅先漏泄一枝獨向雪中開佛慧泉盡說
拈花微笑是不知將底辯宗風若言心眼同
時證未免朦朧在夢中白雲端拈花我佛
在靈山迦葉頭陀忽破顏金口密言親付囑
不唯天上與人間保字房教外全提彌別
傳飲光閉目笑無言可憐十萬靈山衆不薦
雷頭一着玄無覺拙靈山旱地紅蓮發白
眉老翁笑不歇轟轟洪韻震東西八萬迷徒
猶未瞥黃藥世尊舉花迦葉微笑殃及

永樂北藏

禪宗頌古聯珠通集

第一九八冊

兒孫上祖不了

楊也為

飲光誰謂悟拈花

微咲依前隔海涯

黃面只

圖傳大事赤眉終

不打貧家

粗印明

正眼由來付飲光

七衆盡歸降枝繁

葉茂宗門

盛自得兒孫滿

大唐

草堂清

世尊拈花迦葉微咲不落官

商是何曲調古洞

風清寒潭月皎

長重年

世尊迦葉不相知陷虎機關各自施正眼妙

心真實相靈山會

上付他誰

張無盡 舉花

示衆誰相委迦葉頭陀獨破顏無限白雲藏

不得又隨流水落人間

南華為

聞琴作舞見

華破顏一彩兩賽天上人間

吳古飾

百萬人

天普請看頭陀末上獨開顏堪咲衣穿瘦骨

露一肩授手搭金欄

佛德均

飲光當日咲無

言家醜從來不外傳

不撥韶

絃成一曲至今

清韻出人天

雪峯頌

拈花已落微咲後咲出

精神拈處先一片

銀蟾無晝夜十分光影向

人圓

佛心才

教外單傳事最奇兜羅綿手舉

花時會中不得鷄峯老

無限清香付與誰正

覺這

佛三

兜羅綿手舉花時風遞幽香幾箇知

除却雞峯迦葉後誰人眼内有瞳兒

慈受頌

百萬入天望舉揚拈花微咲太乖張幾多業

識茫茫者問著勞生沸似湯

龍門遠

海水

鉢空哀庖流魚龍鰕鱗信沉浮可伶金色頭

陀子直至如今咲未休

外二

一華拈起便

永樂北藏

禪宗頌古聯珠通集

第一九八冊

承當正眼傳來不覆藏今古流通無間斷枝
枝葉葉盡芬芳珠山拈起一枝花風流出
當家若言付心法天下事如麻任山靈山
用處許誰知迦葉偷顏咲展眉動便最初先
漏泄兒孫扶取上玄機楚安瞿曇拈起花
枝迦葉微開咲面要知道造物無私更聽黃鶯
一嘯石岩拈花親付老頭陀平地俄興一
丈波後代釘椿搖櫓者竹篙量水轉說訛寶
繼古塚露枯骨窮源逢斷橋一番新雨過
翠色滿林梢白楊項上鐵枷三百斤分明
有理不容伸默然雞足峯前坐猶把金欄誑
後人尼經末後無端重漏泄焦齒翁翁

將生鐵玉鞭擊碎月明珠累及見孫揚醜拙
淫堂深世尊拈花迦葉微笑天際二輪更相
互照若能截斷老瞿曇閉目黃河只一跳應通
且雪塵怪松露風高野渡橫將謂衆生苦更
有苦衆生乃年開金色頭陀忽破顏看來也
是管窺斑當時若得四頭早免見兒孫墮黑
山應通世尊拈花迦葉微笑一對鐵錘渾
無孔竅佛照釋尊拈起枝花分明勾賊破
家致令千古之下兒孫逐惡隨邪來世
尊不會拈花迦葉不會微笑大地總是兒孫
誰明向上一竅白日青天開眼放屏
黃面瞿曇一場漏逗木拈起花來尾巴

永樂北藏

禪宗頌古聯珠通集

第一九八冊

已露迦葉破顏人天罔措難問世尊傳金欄外別傳何物迦葉召阿難迦葉因阿
難應諾迦葉曰倒却門前制竿著頌曰影
略門前倒制竿箇中消息授傳難玲瓏侍者
能相委盤走明珠珠走盤天金欄付外
有何傳倒却門前舊制竿不取一時爲上瑞
百千年後與人看草堂金欄付外別何傳
呼應雖勤意未圓迦葉更能施善巧制竿倒
却貴安然覺海元花葉聯芳信有期飲光抗
召劉芬披而今莫問當時事路上行人口是
碑正覺遠金欄之外復何傳弟應兄呼豈有
偏倒却門前制竿子免教依舊倚牆邊雲

象王行處絕狐蹤象子雄雄此風休說
二千年後事縱塵沙劫又何窮傳外更瞞預漏泄天機倒制竿東震西乾扶
不起至今殃禍及兒孫提起金欄惹
倒制竿步步踰著綠水青山更喜門
前倒制竿金欄傳外有何傳天然外道無師
證爭奈威音佛已前金欄傳外更何
傳背角泥牛痛下鞭哮吼一聲魔膽裂躡身
踏破碧潭煙難兄難弟問來端百衲
金欄迦代傳弟應兄呼成底事免認制竿頭
指天佛心相照始相知金色頭陀別
是非五里牌從郭外看當人不肯怨亡主

永樂北藏

禪宗頌古聯珠通集

第一九八冊

場如琉璃殿上付金欄棣萼聯芳得二難門
外制竿從放倒免教南北問風旛上方第
兄相應鵲鴿原相喚相呼豈等閑金欄之外
傳何物向道門前倒制竿大味道頭陀飲光
多聞慶喜合掌擎拳難兄難弟一朝狹路兩
相逢裂轉雙睛無處避便向門前倒制竿大
夫自有衝天志志未草木食道人高傳
得金欄意氣豪此外已知無別法制竿倒處
累現曹疎山如金欄傳外復何傳報道門前
倒制竿好笑踏青人爛醉滿川桃李自無言
百明恒薩阿竭二千年密付親承盡浪傳
直至如今成露布制竿依舊倚門前大洪

鳳毛麟角一般奇第應兄呼豈不知堪笑靈
源春雨後落花流水自相宜開先多子塔
前水付後更傳何物示於人驪珠迸出制竿
倒直得寒光徹四鄰佛性等閑饒舌話金
欄便與當頭倒制竿從此天倫轉無義冷光
猶自逼人寒暗弟應兄呼盡不成誰人
肯向裏頭行自從家破人亡後直至如今事
轉生月林弟應兄呼有札有義席咬大蟲
蛇吞鱉鼻倒却門前制竿著奄蘇嚕蘇魯惹
喇惹喇退奇翡翠羽毛麒麟頭角第應兄
呼振動海嶽路遠夜長休把火倒却門前制
竿著萬原泉家家門口透長安不見纖毫眼

永樂北藏

禪宗頌古聯珠通集

第一九八冊

界寬無法無人誰付囑難兄難弟自相謾
卷五 倒却門前刹竿金提那涉玄端
坐空王殿月照千峯夜色寒
足卷五 面面相看眼厮覷衣外別傳有甚憑
援倒却門前刹竿著鳳樓不在梧桐樹
無準菴 寵弟常常在侍邊傳金欄外問何傳自家兄弟無多事

律三

五

只道門前倒刹竿
問極 煮豆燃豆其豆在釜中泣本是同根生相煎何太急
雲枯 塵九祖伏馱密多尊者問八祖佛馱難提父母非我親誰是最親者諸佛非我道誰是最道者八祖以偈荅汝言與心親父母非可比汝行與道合諸佛心即是外求有相佛與汝不相

似欲識汝本心非合亦非離頌曰
閒却年光半百春可憐嫵富不嫌貧
祖佛非道求何道父母不親誰更親
七步豈勞蓮捧足無言須信鑑生塵
禪門自古牢關鑰漏泄家風是此人
佛危泉 見處孤危立處高急如石火利如刀到家問路家何在
掀倒茶盞脫布袍
生遠 半生足不履地軒知蹋遍天涯得個冬瓜印子至今目瞪口呿
松源 父母分明非我親祖師肝膽向人傾
直下若能親薦得優曇華發火中春
高原 東父母非親親是誰雙眸炯炯帶雙眉含元殿上不相識
正是峨峨相見時
石溪 月十祖脇尊者本名難生處胎

六十年神珠夢應誕生之日滿室光明出家
得道至一林中有富那夜奢合掌前立祖問
汝從何來奢曰我心非往祖曰汝何處住曰
我心非止祖曰汝不定邪曰諸佛亦然祖曰
汝非諸佛曰諸佛亦非祖知是法器即與剃
度付法說偈曰眞體自然眞因眞說有理領
得眞眞法無行亦無止頌曰 打鼓弄琵琶
相逢兩會家清風拂白月地角接天涯碎玉
凝朝露殘陽送晚霞寒山逢拾得拊掌笑嗔
嗔南無二諸佛亦非窮子腹肥纔一頓飽
忘百日飢二十拄杖十分槌免教辜負兩莖
眉 電捲星飛珠回玉轉打破面皮赤心片

片啓生透十四祖龍樹大士見十五祖迦那
提婆來先令侍者將一椀水致面前提婆見
乃取一針投之祖由是大喜頌曰 龍猛孟
中水提婆我上針人人爭得失箇箇話親
不觀雲中鴈焉知沙塞深農人移片礪礪下
獲黃金項那漏傳長樂未央靜月瀉甘泉
太液秋夜半樂聲回步輦喚回三十六宮愁
心開寶二十四祖師子尊者因蜀賓國王秉
劍於前曰師得蘊空不祖曰已得蘊空曰離
生死不祖曰已離生死曰既離生死可施我
頭祖曰身非我有何怪於頭王即揮刃斷尊
者首涌白乳高數尺王之右臂按亦墮地

永樂北藏

禪宗頌古聯珠通集

第一九八冊

玄沙云大小師子尊者頭也不解作得主頌
曰尊者理非謬玄沙語甚奇首隨鋒刀落
彼此沒毫厘來明奇楊子江頭楊柳春楊花
愁殺渡頭人一聲羌笛離亭晚君向瀟湘我
向秦龍門遠作家手段天然別不辭穉墮除
妖孽万里歌誦賀太平夜夜清光輝雪月大
為智得人一牛還人一馬有往有來可知禮
也佛性善船子下楊州浮萍逐水流一聲河
滿子千古動悲愁蛟山莊殺人須是殺人漢
當下一刀成兩段頭雖斷刃鋒何似秦
時轆轤鎖松山果君王寶劍不虛施尊者遭
逢也大奇從此清風徧寰宇太平消息幾人

知古卷吹毛劍首乾坤黑藤墮山河掩日
光超起須彌頭倒卓方知兩兩不成雙堪坐
不事者何曾得蘊空爾賓徒自斬春風拖花
雨後亂零落染得一溪流水紅來卷口念
木瓜醫脚氣紙盡鐘馗驅鬼崇一生若解和
羅維三檀日日喫酒日日醉懶龜龜佛法王法更
無兩樣宜下一刀未為諦當月林龍師子頭
落蜀賓麟折各人眼底有西施誰家甕裏無
明月朴翁錯遇着山中人便說山中話六月
賣松風人間恐無價孤峯親面當換掣電
飛當換觀面誰能用一劍分身定死生君王
萬古聲名重本卷永劫下十分真難蔽獨露

身江流石不轉獨有蘊空名北彌蘭夢中要
 渡深溪水伎倆多般進不能慕地覺來伎倆
 盡床頭山月已三更石卷石蘊空誰見法中
 王觀體何曾礙初光古廟藤蘿穿戶牖斷碑
 風雨碎文章重卷理夜闌天際墮金盆膝上
 焦桐調轉新易水悲風輕按拍驚膠難續斷
 腸人虛堂憑二十七祖般若多羅東印土國
 王諸師齋次王問諸人盡轉經唯師為甚不
 轉師云貧道出息不涉世緣入息不居蘊界
 常轉如是經百千萬億卷非但一卷兩卷汾
 陽昭云却勞尊者心力大為智云諸仁者還
 見二十七祖者經麼行時脚跟不著地坐時

心識似風飄乃頌云 秋高月色連雲白淡
 薄禪心滋味長應應分明今古意何須特地
 更商量 靈犀玩月璨含輝木鳥遊春駿不
 羈肩底一雙寒碧眼看經那得透牛皮明白
 心超曠劫英雄力破重圍妙圓拈口轉靈機
 寒山忘却來時路拾得相將攜手歸天童覺
 入息未嘗居蘊界出息何曾涉法緣一聲漁
 笛離南浦依舊蘆花深處眠東土初
 祖菩提達磨大師即西土二十八祖初至金
 陵見梁武帝帝問曰如何是聖諦第一義師
 曰廓然無聖曰對朕者誰師曰不識帝不領
 悟師遂折蘆渡江至魏後帝舉問誌公公曰

永樂北藏

禪宗頌古聯珠通集

第一九八冊

陛下識此人，不曰不識。誌曰：此是觀音大士。傳佛心印，曰：當遣使詔之。誌曰：莫道陛下詔。蓋國人去，它亦不回頭。曰：聖諦廓然，何當辨的？對朕者誰？還云：不識。因茲暗渡江，豈免生荆棘？蓋國人追不再來，千古萬古空相憶。休相憶，清風匝地有何極？師顧視左右云：這

難三

八

裏還有祖師麼？喚來與老僧洗脚。宜賓頭客從方外來一人也，弗識，無心得可傳。九年空面壁，冷坐寥寥，不自安。手携隻履歸西國。法秀凡聖縈纏，情未忘。廓然無聖，便驚狂。梁王殿下無謀畧，剛被胡人亂一場。與大道廓然一鐵遠，天不識，重下錐刺。梁帝不知何處

去千古萬古無消息，一覺此廓然絕聖。猶方便不識天顏，今對面不契。渡長江北去，少林方春，德覺元一箭尋常落一鵬，更加一箭已相饒。宜歸少室峯前坐，梁主休云更去。招口雲，煉得通紅打一鉢，周遭無數火。星飛十成好箇金剛鎖，攤向門前賣與誰。保字身廓然無聖，不須徵句。後通機是眼睛，莫怪相逢不下馬。奈緣各自有前程，雲溪弟一義廓兮零兮，超象帝不把多年曆日看。爭辨春分并夏至，遼東白鶴去無蹤。三山半落青天外，上方聖諦第一義。門廓然無聖，誰堪笑江南二月裏，鷓鴣啼在百花村。太平

古閒將一段秦川錦裁作人間巧婦衣幾度
耆耄呈伎倆暗中曲調少人知成枯木遠泛
鯨濤入大梁廓然無聖對君王可憐寸徑無
人鑑却與相如依舊戲佛心才不解作客勞
煩主人面無慚色少喜多嗔長靈卓始鳴阿
閣一葦鍾日暖蒼龍騰正濃再擊鳳凰臺上

第三

九

鼓半夜洋鷹未飛舞帝基永固如盤石胡僧
虛費平生力回拍少林歸去來春風一陣花
狼藉佛無意展陣開旗便要贏誰知御駕不
親征把定鎗旗收陣脚直向熊峯不出兵佛
燈珣當時卜筮親持獻未遇徒然更再三折
羣渡江江上水滔滔今古色如藍卷信西

永樂北藏

禪宗頌古聯珠通集

第一九八冊

天屠子氣雄豪欺負神州罪莫逃梁帝當頭
輕一撻果然提起活人刀聖堂行廓然無聖
露全身親面相呈已隔津莫問梁邦并魏苑
一花五葉自然春天藏田胡僧對漢主廓然
無聖語復云不識渠神驤捉老鼠捉不着千
里清光渾失却不石君明黃金鑿白玉椎鑿開
混沌窺透出玄元機五堂料老胡元不渡長
江孰謂曾得一葦航堪咲普通年遠事兒孫
多是錯商量肯堂尤踏翻地軸地不動推倒
天關天更高穩泛鐵舡歸少室至今天下起
風濤雪菴強將不識鼓唇牙胡語如何亂
得華若使老蕭皮有血定應趕逐過流沙天

永樂北藏

禪宗頌古聯珠通集

第一九八冊

日札一言既出駟難追賴遇梁王放過伊楊
子江頭航折葦浪頭何似問頭危并馬五
葉芬敷自一花無人圖摹剪根芽不教著脚
金陵地猶恨蕭梁未作家北顧金烏飛上
玉闌干黑漆崑崙對面看畢竟這些傳不得
落花流水太無端天童淨提起須弥第一槌

玉門金鎖擊難開重施背踏空勞力應悔還
迢万里來疾風順玉簫吹徹鳳凰臺古殿深
沉曉未開滿地落花春已過綠陰空鎖舊莓
苔座座思萬浪千波一葦橫翩翩隻影可憐
生老蕭若會截流句楊子江頭放你行石溪
月一葦截流深心巨測梁王太平魏邦著賊

雪屋珂遠到支那十萬餘清波無路一葦蘆
而今面越之燕者對朕還曾識也無德歲枯
廓然無聖真實語對朕者誰心未息本光燦
爛照十方無量劫來到今日橫川西來十
萬路迢迢智鑑當軒影莫逃四海浪平龍騰
穩九霄雲淨鶴飛高雪嶽達磨大師西來
直指人心見性成佛頌曰急水波心下宜
釣魚龍鰈鱗一時收祖師活計無多子惱亂
春風卒未休松源西達磨大師自梁涉魏至
洛陽少林面壁而坐經於九年方得二祖傳
法頌曰先被梁王勘破却向少林孤坐
謬言教外別傳爭奈不識這箇白雲端十萬

迹窮得到梁梁王言語不相當少林不假東
君力五葉花開動地香佛國白精進翻成息
墮莫守窺禪元生少林面壁九年已披梁王
勘破祖印明六宗調伏向東來五葉芬披震
旦開冷坐九年人不識手携隻履又空回草
堂清泛舶來梁自普通一槌擊碎有為功謬
言面壁無言說事奈當門齒露風佛性未航
海梯山緣底事游梁歷魏意何傳九年面壁
垂慈切剛被時人喚作禪太平古九年熊耳
空留隻履一花五葉春風四起是古佛達磨
西來未足誇少林担目强生花得皮得髓徒
分別妙性圓明本不差疎山如少室山前風

過耳九年人事随流水若還不是弄潮人切
須莫入洪波裏鼓山金鰲一掣滄溟竭徒
自悠悠泛小舟今日烟波無可釣不須新月
更為鈞徑山祖師面壁九年餘此是西來
未上機直至如今天下客强将言句為施為
南山省堂主千鄉万里尋知己一語臨機不
錄三
契梁面壁九年居少室覓心千古累神光天
重覺一片虛凝地丹青畫不成聖賢難啓口
佛祖强安名正堂佛祖師遠遠來東土面壁
少林坐九年二祖傳心親得髓來早是已
輸先高喪盡家財無本可據赤手教人
彌天罪過木菴渡江一葦風濤急少室九

年空面壁錯把安心露一機至今滿地花狼藉晚山赴不契梁王暗渡江一身無地避慚惶九年面壁成何事賺却平人入鑊湯湖隱清九年面壁轉身無策冷地有人奮一臂力月波明達磨大師將返西天謂門人曰時將至矣盍各言所得乎時門人道副曰如我所見不執文字不離文字而為道用祖曰汝得吾皮尼總持曰我今所解如慶喜見阿閼佛國一見更不再見祖曰汝得吾肉道育曰四大本空五陰非有而我見處無一法可得祖曰汝得吾骨最後慧可出禮三拜依位而立祖曰汝得吾髓乃傳法付衣神光三拜退

後立瀑布崑前水長急楞嚴會上逞圓通却使老盧雙淚泣天永懷少林真嗣擇全才諸子紛紛點額回衣法莫言容易得曾憑三拜作良媒正覺逸門前諸子列成行各逞英雄保寧王如何獨有無言者坐斷毗盧不可當四維上下絕遮攔湧出冰壺印碧天無孔笛中藏六律一聲驚起釣魚船成枯木神光三拜依位立解會都忘末端的皮毛脫盡孰親疎誰言得髓能情息圓通秀當門齒缺真堪笑面壁無言坐九年皮髓此此分俵了依前懺懼返西天地誰透少林關三拜仍依位立雪要心安忘形甘斷臂祖印明

缺齒胡僧到大唐却將皮髓強分張九年懺
懺空歸去添得華人笑幾場佛國白弟昆各
自逞功能獨有家兄徹骨貧三拜起來無一
語鼻孔累垂蓋口唇雪竇宗一從三拜後千
古錯流通永日無人到蕭蕭檜栢風龍門遠
杜舞村歌笑救人騎牛挑鴨走成羣三盃酒
罷歸家去留得猪頭碍塞人正堂耕鏡凹照
人瘦鏡凸照人肥不如打破鏡還我舊面皮
懶卷樞捏目生花立問端得它皮髓被它瞞
這般瞎漢能多事六月無霜也道寒簡卷清
死款却來一口供情窮理極卒難容若將皮
髓論高下爭見花開五葉紅高峯妙

達磨大師曰吾法於三千年後未曾移易一
絲毫許頌曰東西縱目乾坤闊玉露澄秋
氣宇高山是山芳水是水何曾移易一絲毫
毫塵草廬單
達磨大師既葬熊耳山後三歲魏宋雲使西
域四遇祖於葱嶺手携隻履翩翩獨逝雲問
師何往祖曰西天去又謂雲曰汝主已厭世
雲聞之茫然別祖東邁暨復命即明帝已登
遐矣追啓墳惟空棺一篋華履存焉舉朝為
之驚歎奉詔取遺履於少林寺供養頌曰
熊耳宗師葬洛陽龍城天子泣千行迴搭隻
履惹山上驚殺梁王與魏王杜符道者師眼

芳深師鼻兮大師耳兮穿師舌兮快師身兮
墨師心兮戴手携隻履返流沙熊耳石塔今
猶在珠璣覺祖師遺下一隻履千古萬古播
人耳空自肩擔跣足行何曾踏著自家底五
祖演梁魏山河本太平無端容此老狐精九
年皮髓分張盡隻履空棺更証人東山空閨

卷三

國人難挽西携隻履歸只應熊耳月千古冷
光輝虎丘上陸梯山航海自西來誰謂梁王眼
未開一句等閑輕勘破九年端坐冷如灰來
時打落當門齒去後空留左脚鞋到底往
還無箇事依前隻履又空回問善和航海東
來點兒落節為法求人自作深孽賴遇梁王

是作家有理直教無處雪及乎隻履復西歸
恣嶺無端重漏泄分明弄巧反成拙尼無著批
颺下一隻履明明不覆藏兒孫纔著脚偏地
是刀鎗妙拳善九年冷坐已敗關隻履西歸
更脫空後代兒孫空妄想鷓鴣啼不為春風
雪菴理死也不伏埋殯偷携隻履西歸不被

宋雲捉敗官司何處尋屍孤華深 禾山方
曰死心先師每舉隻履西歸話以問衲子而
實難明諸方或謂之隱顯或謂不可有兩箇
或謂唯此一事實若也恁麼未識祖師意旨
諸人要見麼乃頌曰 濁中清清中濁勿謂
麒麟生隻角西行東向路不差大用頭頭如

呼咏莫莫玄要靈機休卜度 二祖慧可大
師初至少林叅承達磨立雪斷臂悲淚求法
磨知是法器乃曰諸佛宗初求道為法忘形
汝今斷臂求亦可在祖曰諸佛法印可得聞
乎磨曰諸佛法印不從人得祖曰我心未寧
乞師安心磨曰將心來與汝安祖曰覓心了
不可得曰與汝安心竟得於此悟入頌曰
九年面壁待當機立雪齊腰未展眉恭敬
安心地法覓心無得始無疑汾陽語
斷臂難於立雪難覓心無處始心安誰知萬
頃蘆花境一二漁翁把釣竿正覺述終始
覓心無可得寒寥不見少林人滿庭積雪重

知冷鼻孔依前搭上唇古雲端覓心不可
得處處逢知識無用一雙眉同渠超百億重
香林立雪齊腰成底事以刀斷臂亦奚為
從門入者非家實休殢西來老古錘地藏思
思量何用覓安心求得心安却苦身三尺雪
深曾立處不知誰是雪中人佛國白少林
難三面壁太多言接得門人一臂全京洛至今三
尺雪天寒何止普通年楊無為覓心不得
已安心屠肆媼坊間少林叅奈子孫熾直截
諸方五味苦叅尋張無盡斷臂覓心心不
得覓心無得始安心心安後夜雪庭際滿目
理花無處尋草堂清覓心不有三拜耶施

靈焰益熾肯首自知四觀法印全彰慶江月
松風盡入微律心才父肘子用父用于財
覓心無處心眼自開長豐年若有絲毫付
與人可師何得更全身人間天上迷達處八
兩元來是半斤數門連三拜勤勤雪到
腰覓心無處強相饒神光本地思量着始覺

春來雪自消佛燈動二祖當年立少
林滿庭積雪到腰深义手當胸無一事不求
不覓不安心鼓山社覓心無處更何
安噉碎通紅鐵一團縱使眼開張意氣爭如
不受老胡謾任山果不待七處微當
下便不見胡孫水上打鞦韆新羅王子放一

箭高著眼分明穿破波斯面石君明立雪齊
腰寶刀斷臂不動神情十方遊戲白鶴二
祖無端向少林庭前立雪到腰深直饒覓得
心無有未免全身被陸沉惟卷成屈即從長
也大拚雪堆斷臂仰高寒鐵牛鞭起熊峯下
一吸黃河徹底乾或巷雅達磨九年面壁坐

雜三

十五

深雪之中得一箇得一箇森羅萬象平分破
凡無著處拈刀截臂露全真忘却求安心底
人若是當時知痛痒老胡何處著渾身無際
長安深夜雪漫漫欲覓心安轉不安縱使言
前開活眼那知已被老胡謾息巷觀平地無
端起骨堆將身活向雪中埋假饒覓得安心

法還我娘生一臂來隱山藥自有覓不得無
端面發紅翻身喚一頭兩手摸虚空雲卷壁
深雪堆中斲一肢老胡柳下十分威當時便
好掀翻去未到教他死馬醫石室輝二祖當
年不丈夫分皮分髓被塗糊可憐要乞安心
法直至而今一臂無毒常覓心無處覓當
下便心安早知冰是水兩臂定完全石田薰
三祖僧璨大師不知何許人不言名氏為居
士謁二祖曰弟子身經風恙請和尚懺罪祖
曰得罪來與汝懺居士良久曰覓罪不可得
祖曰我與汝懺罪竟宜依佛法僧住曰今見
和尚已知是僧未審何名佛法祖曰是心是

佛是心是法法佛無二僧寶亦然曰今日始
知罪性不在內不在外不在中間如其心然
佛法無二也祖深器之即為剃髮曰是吾寶
也宜各僧璨執侍二載乃付達磨信衣正法
眼戒說偈密囑護持無令斷絕後居舒州潛
皖山谷或司空山頌曰 潛溪水急天柱峯
高洞然明白不隔絲毫後來生計平如掌後
世兒孫弄海潮揚無為罪已無根性已空正
生風屢不生風至今山谷山前水一派清流
入海中佛國白說罪師前請懺除罪忘心戒
兩如如誰知璨是僧中寶來往司空山下居
草堂清半醒半醉卧街衢忽悟通身業本無

三昧若徒人處得効聲何異更塗糊成枯木
無孔笛子德拍板五音六律皆普徧時人不
識黃番綽笑道儂家登寶殿五祖演風恙纏
身覓罪不得九萬里程展摩霄翼是古佛
三祖以罪懺罪二祖持錯就錯一陣清風劈
面來罪花紫果俱凋落靈丹一粒有神功瘥
病不假驢馳藥佛聖惠渾身燥痒倩人搔入
骨接來身已勞一下被伊搔著了平生痒處
一時消水卷一二祖安心三祖懺罪逐惡隨
邪成群作隊只許老胡知不許老胡會逐惡者
彌天罪過無門懺紅爛通身世莫醫已是四
稜俱踠地儘教後代亂針雖無門開平生罪

性覓無踪直得乾坤大地空天地依然高突
兀潛溪一派自朝宗乘龍冲風恙纏身世莫
醫家貧遭劫更堪悲誰知覓罪了無處正是
賊歸空屋時大歇誰罪過彌天乞懺除看時
似有覓禪無直饒言下滅胡族冷地尋思不
丈夫不立禪四祖道信大師初為沙彌
年始十四禮三祖曰願和尚慈悲乞典解脫
法門祖曰誰縛汝曰無人縛祖曰何更求解
脫乎師於言下大悟服勞九載乃付衣法住
廬州破頭山學侶雲臻痛心不寐脇不至席
一日告衆曰吾武德中遊廬山登絕頂望破
頭山見紫雲如蓋下有白氣橫分六道汝等

會不衆默然弘忍曰莫是和尚它後橫出一
枝佛法不師曰善唐太宗響師道三詔不赴
就賜紫服頌曰慈雲之塔大醫之師瞻之
仰之雙峯魏魏懶融不得西天鉢直付黃梅
路上兒梅無為島外逢師解縛歸雙峯山下
獨幽奇卻將衣鉢為人事乞與黃梅箇小兒
佛國白道出乾坤動至尊飛雲三詔不離雲
求人的嗣周家子遙望牛頭紫氣分
絕知名迹能妨道正恐師承亦累人問法沙
彌莫饒舌百年逆旅要同塵
釋脇不至席分開一貫兩箇五百
未生梅子熟也既步人間池成月下鳳書三

到懶開眸白蓮峰頂光相射雲光四堅辭鳳
闕紫泥詔玷辱宗風箇古錐坐斷雙峯無寸
草愛松留得礙人枝無門開掀翻解脫脫巢
巢從此縵天布網羅落賺小兒猶自可一枝
橫出轉譏訛誰縛無人縛何更求解
脫未必右軍鵝便是支郎鶴石田薰破頭峯
頂紫雲飛三却天書老翠微貨雖然無用
處不應分付小孩兒少室睦
五祖弘忍大師前身在蘄州西山栽松遇四
祖告曰吾欲傳法與汝汝已年邁汝若再來
吾尚遲汝師諾遂往周氏家女托生因拋濁
港中神物護持至七歲為童子四祖一日往

永樂北藏

禪宗頌古聯珠通集

第一九八冊

黃梅縣逢一小兒骨相奇秀乃問曰子何姓
曰姓即有非常姓祖曰是何姓曰是佛性祖
曰汝無性耶曰性空故祖默識其法器即俾
侍者後令出家後付衣法居黃梅東山頌曰
栽松何老傳衣何少前身後身一夢兩覺白
藕花開峯頂頭明月千年冷相照楊無為二

日出而作栽松為樂昔栽幾何今滿巖壑白
頭人去小兒歸笑殺林梢千歲鶴在聖權
方世莫評双峯密付豈虛稱前身已老難傳
鉢託陰重來始繼燈昔日栽松名尚振千靈
報母願何增如今海內宗風徧只為春中擇
得能白雲端垂垂白髮下青山七載歸來換

薄顏人却少年松已老是非從此落人間佛
四曰誰是前身孰後身謾將名字較新陳隣
家莫問去來事吾是昔人非昔人祖印明無
父無兄絕是非江心誰辨逆流時西山得法
東山隱此事只教能者知草堂清濁港滔滔
歧路絕翻身釘出空中極白蓮花向半天開
維三
從此天機渾漏泄十八古黃梅果熟白藕花開
問唯佛性體異凡胎衣傳南嶺人將去松老
西山我再來兩借皮囊成底事一壺風月湛
無埃天童覺老大不堪用約去了還來伸脚
縮脚是貪程速快哉有娘生面無爺姓趁得
曇華五葉開佛燈增香火綿綿五百年孤猿

野鶴老松巖人傳妙道回南嶺我札浮屠向
半天前後真身無覓處古今靈迹尚依然若
人問我東山事峯頂池中有白蓮白楊順東
山法門衆盈七百真能者師為世作則濁港
滔滔清有餘黃梅路上人南北雲一去
一來一老一少兩鏡對懸光影俱照直饒用

盡神通未明向上一竅凡無著約去栽松
箇老人還來傳法喜童真有娘生面無爺姓
劫外靈苗不犯春水菴一元是黃梅舊日僧
事師年老氣彌增翻身颺下栽松鏹轉步來
分照世燈皮袋假於溪畔女衣孟付與嶺南
能佳聲籍籍能長久雨過淮山碧萬層湖隱

滿頭白髮老出隈萬本青松懶更栽皮袋累
他周氏女難尋蹤跡去還來天日好箇栽
松道者臨老無端打野不識從本爺娘負累
周家小姐濁港浸他不敘養大便成姦搢鼓
弄黃梅七百僧成群逐隊爭衣鉢非前鉢青
松木種鼻遼天種了青松失半邊玷辱周家

雜三

十九

猶自可再來下直半文錢笑栽滿山
松暗地翻身轉雖然得信衣何曾識爺面石
口董幾年活計鏹頭邊萬本青松瑣翠炬夢
破曹溪天地闊再來不直半分錢少室睡栽
松幸自可憐生則要隨人入火坑換得皮囊
急回首依前鼻孔不多年石室輝

六祖慧能大師本姓盧家貧賣薪養母因往
五祖求法祖曰汝自何來曰嶺南祖曰欲須
何事曰唯求作佛祖曰嶺南人無佛性若為
得佛曰人即有南北佛性豈然祖知是異人
乃訶曰著槽廠去遂禮足而退便入碓坊服
勞於杵臼之間因五祖示衆索偈欲付衣法
堂中上座神秀大師呈偈曰身是菩提樹心
如明鏡臺時時勤拂拭莫遣有塵埃師和偈
曰菩提本無樹心鏡亦非臺本來無一物何
假拂塵埃祖默而識之夜呼入室密示心宗
法眼傳付衣鉢令渡江過大庾嶺南歸曹溪
開東山法門頌曰 今古曹溪一派寒師來

因為起波瀾携囊更嶺人空逐負石黃梅衆
識難佛慧泉石墜腰間春碓鳴老盧便重不
便輕黃梅衣鉢雖傳得猶去曹溪數十程
為七百高僧夢裏時三更月下獨南歸賣
柴春米儂家事底事親傳六代衣佛因白一
偈投機一衆降嚙花百鳥去雙雙家山記得
來時路半夜傳衣過九江祖印明六祖當年
不丈夫倩人書壁自塗糊明明有偈言無物
却受他家一鉢盂死心新七百僧中選一人
本來無物便相親夜傳衣鉢曹溪去鐵樹花
開二月春丰堂清擔柴賣火村裏漢舌本潤
翻不柰何自道來苒元沒口卻能平地起風

波往山果黃梅席上數如麻句裏呈機事可
嗟是本來無一物青天白日被雲遮西塔
鐸問書偈言無物腰石當知力有餘莫道懶
翁無伎倆糠中春出走盤珠水菴一菩提無
樹鏡非臺臭口分明鬼擘開幸是賣柴無事
獠剛然惹得一身災無門開颺下採樵斧直
入碓坊春一脚踏到底黃梅信息通佛照光
憑無所住以生心大地山河一發沉從此別
開窮世界新州柴把貴如金破菴先四句伽
陀不解書三更傳得本來無曹溪路上生荆
棘直至如今在半途妙峯善箇樣村夫舉世
無隔新終日奔窮途黃梅有路何曾到誰謂

不孟親付渠少室時黃梅分付太倉忙半夜
汝凄暗渡江將謂無人知下落賊身已露更
和賊辛庵倚不作樵夫作碓夫只將脚力驗
指籠知他踏著踏不著和米和糠到鉢孟西
品忠寢意貪他破鉢孟閉言長語倩人書只
知半夜潛身去祖意還曾夢見無石室輝師
資緣會有來由明鏡非臺語暗投壞却少林
窮活計檣聲採月過滄洲萬蘆華六祖受法
辭五祖今隱於懷集四會之間屈南海遇印
宗法師於法性寺暮夜風颺剎幡聞二僧對
論一云幡動一云風動往復酬答曾未契理
祖曰可容俗流輒預高論否直以風幡非動

動自心耳印宗聞語竦然異之遂問其由祖
實告之印宗於是集衆請開東山法門祖遂
落髮披衣受戒即廣州天寧寺也頌曰
非風幡動唯心動自古相傳直至今今後水
雲徒欲曉祖師直是好知音瑞虎不是風兮
不是旛黑花猫子面門斑夜行人只貪明月
不覺和衣渡水寒法昌遇不是風兮不是旛
斯言形已描人間要會老盧端的意天台南
岳萬重山天衣蕩蕩一條官驛路晨昏曾
不禁人行渾家不是不進步無奈當門荆棘
生保寧不是風兮不是旛於斯明得悟心
難胡言漢語休尋覓剎竿頭上等閑看通秀

東西南北無空處上下四維隨分舉眷屬都
來止一身行盡天涯無伴侶三祖不是風
兮不是旛白雲依舊覆青山年來老大渾無
力偷得忙中些子閑雪峯不是風兮不是
旛清霄何事撼琅玕明時不用論公道自有
閒人正眼看圓通不是風旛不是心迢迢
一路絕追尋白雲本自無踪跡飛落斷崖深
更深靜堂昔時盧老泄天機直指風旛說向
伊是風是旛便是你左之右之不曾離紫雲
風旛非動乞兒得夢金銀珎寶快活受用足
古佛滄溟直下取驪珠觀面相呈見也無到
此不開真正眼膏盲之病卒難蘇道場如不

是風旛是汝心人傳此語徧叢林若還踏著
鄉間路瓦礫無妨喚作金和印明不是風兮
不是旛寥寥千古競頭看徹見始知無處所
祖庭誰共夜堂寒通明達指出風旛俱不是
直言心動亦還非夜來一片寒溪月照破儂
家舊翠微佛心才不是風旛不是心幾人求
劍刻舟尋分明寄語諸禪侶自古真鍮不博
金佛無愁不是風兮不是旛認為心者亦頗
頂風吹碧落浮雲盡月上青山玉一團疎山
常相爭但見風旛動不肯回頭識動心從此
老盧露消息松風江月盡知音夢菴信夢遊
華頂過丹丘躡盡寒雲倚石樓貪看瀑泉瀉

崖壁不知身在碧江頭長靈卓不是風旛不
是心曹溪深也未為深那叱忿怒掀騰去析
徧微塵不可尋黃龍震不是風兮不是旛幾
人北斗面南看祖師直下無窠臼眼綻皮穿
較不難佛燈狗不是風兮不是旛一重山後
一重山青春雨過無餘事獨倚危樓望剎竿
佛性泰不是風旛不是心從來只為少知音
舉頭萬里長空外唯見白雲流水深楚安方
不是風兮不是旛多口闍黎莫可詮若將巧
語求玄會特地千山隔萬山覺即非風旛動
唯心動龍生龍兮鳳生鳳老盧直下示全機
底事今人見如夢明石若不是風旛是心動似

倩麻姑痒處搔天外孤鷺誰得隨何人解合
續絃膠崇覺空不是風幡不是心祖師正眼
只如今如今不識山河礙識得如今海岳沉
重寶宗風幡不動人心動直指分明休瞌瞋
若將知見巧商量大似夢中加說夢大涵智
非風幡動唯心動猶涉廉纖強指陳大地未
曾添寸土不知誰是點頭人開福寧直指單
傳自祖宗非風幡動出盧公玄徒若具金剛
眼剎剎塵塵總是空南堂興是風是幡君莫
疑百草叢中信步歸王道太平無忌諱戲蝶
流鶯遶樹飛自得暉二不是風幡不是心袖
僧徒自強錐針巖房雨過昏烟靜卧聽涼風

生竹林浪靜風恬正好看秋江澄徹碧天
寬漁人競把絲綸擲不見水輪轉水寒常菴
崇不是風幡動亦非仁者心自從胡亂後湫
渚到如今昨堂遠風動幡動心動死蛇要人
活弄嘶風木馬當途無角鐵牛入洞白楊順
非風幡話露全機千古叢林起是非咄這新
州賣柴漢得便宜是落便宜佛照光不是風
幡不是心休將此語播叢林從來一派天河
水透石穿崖古到今塗毒策大海波濤湧千
江水逆流龍王宮殿裏不見一人遊應菴華
不是風幡動天生李老君出胎頭上髮寸寸
白如銀雪堂行不是風兮不是幡碧天雲靜

月團圓幾多乞巧癡男女猶向床頭覓裏看
 水巷三不是旛号不是風軒轅寶鑑出懷中
 森羅萬象難逃影戀窗孤狸失却蹤張騫
 推倒崑崙後幾人窮到孟津源堪笑不知天
 地者至今到道有乾坤肯堂尤非風旛動唯
 心動踏雪貧兒徹骨寒在聖在凡誰改變卿
 螭噉碎鐵園山無門分不是風号不是旛入
 泥入水與人看莫把是非來辨我浮生穿鑿
 下相干月林觀不是風号不是旛白雲盡處
 見青山可憐無限笑靈漢開眼堂堂入死關
 浮華淨不是風号不是旛分明裂破萬重關
 誰知用盡腕頭力惹得閒名落世間林源岳

不是風号不是旛將軍騎馬出潼關安南塞
 北都歸了時復挑燈把劍看天日不是風
 旛也可疑却言心動甚言詞天生不受形容
 者舉世何人見得伊杜甫長安一片月萬
 戶擣衣聲西風吹不斷總是玉關情岑參
 風旛心動一狀領過只知開口不覺話隨無
門開地神歸地天神歸天德懋奉送寶馬金
 錢無準育王崇舉巴陵和尚道不是風動
 不是旛動不是風旛又向甚麼處看有人為
 祖師出氣出來與巴陵相見雪竇和尚道風
 動旛動既是風旛又向甚麼處看有人為巴
 陵出氣出來與雪竇相見師乃頌曰非風

非禱無處着是風是禱無着處遶天俊鵲悉
迷踉蹌地金毛還失措阿呵呵悟不悟今人
轉憶謝三郎一絲獨釣寒江雨 六祖因僧
問黃梅衣鉢是何人得祖云會佛法者得僧
曰和尚還得不祖曰不得僧曰因甚不得祖
曰我不會佛法頌曰 信手拈來見自珠箇

雜三

三

中消息沒工夫黃梅未許傳斯旨半夜曾將
付老盧大洪思斬釘截鐵大巧若拙一句單
提不會佛法儘他葉落花開不問春寒秋熱
別別萬古寒潭空界月圓悟勤我不會佛法
不得黃梅旨本體自圓成畢竟只是道已
契平生脚已踏實地無一法當情靈山親授

記佛性性不會黃梅佛法夢中合眼惺惺此
地無金二兩俗人酤酒三升雪寒理蕉芭蕉
芭有葉無丫忽然一陣狂風起恰似東京大
相國寺裏三十六院東廊下北角頭王和尚
破袈裟袈裟六祖示衆曰吾有一物非青黃
赤白男女等相還有人識得麼時有沙彌神

會出曰某甲識得祖曰你喚作什麼曰是諸
佛之本源神會之佛性祖便打曰我喚作一
物尚自不中更喚作本源佛性 頌曰呼為
一物早不中那堪指作本源佛應現縱橫總
不虧動用施為不不得活潑潑黑焠焠借問
諸人知不知直待當來見弥勒海印信盡師

五彩畫空落筆須知失本蹤更有唐朝吳
道子平生紙上枉施功萬派一驕在眼空
花亂墜神會沙弥失錢遭罪只見鑿頭方不
見錐頭利大丈夫小釋迦鐵鞭一擊珊瑚碎
圓悟勸六祖謂門人曰吾欲歸新州汝等速
治舟楫門人曰師從此去早晚却回祖曰葉
落歸根來時無口法雲秀云非但來時無口
去時亦無鼻孔頌曰葉落歸根來時無口
水長船高鳥飛兔走若非林間師子見三歲
便能大哮吼海印信五蘊山頭一既空來時
無口去無踪要明葉落歸根旨末後方能達
此宗本覺一祖師底物待客只是家常茶飯

雜三

廿五

禪宗頌古聯珠通集卷第三

雜三

如今後代兒孫須要珍羞異饌圓悟勸葉落
歸根後曹溪一滴深山居人少到真實好知
音龍門速二歸根得旨復何論洞口秦人半
掩門花落只隨流水遠空留葉葉野雲屯
落葉歸根錢牛當路來時無口索鹽得醋金
槌不動落羣機列聖叢中第六祖雪堂行雲
開空自闍葉落即歸根回首烟波裏漁歌過
遠村在源興在天南天盡頭末行先已到新
州來時無口去無伴那更蕭蕭黃葉秋

永樂北藏

禪宗頌古聯珠通集

第一九八冊